



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

XXI. Schuldverschreibung des Markgrafen Johann über 700 Rh. Gulden an Heine Pfuel, vom 28. October 1436.

Nutzungsbedingungen

[urn:nbn:de:hbz:466:1-54734](https://nbn-resolving.org/urn:nbn:de:hbz:466:1-54734)

XXX sexto In genwortigkeit des probst von Berlin, des Techants von Stendal vnd Eheuwers, kammermeisters.

Nach dem Copialbuche des Markgrafen Johann, fol. 120.

XX. Des Markgrafen Johann Abrechnung mit dem Hauptmanne zu Oberberg, Heine Pful, vom 11. Januar 1436.

Wir Johans, von gots gnaden Marggraue etc. — Bekennen öffentlichen mit diesem brieffe fur allermenniglich, das auff heutigen datum dieses brieffs vnser lieber getrewer heyne pfule, haubtmann zu Oderfsberg, fur diese hienachgeschriben vnser Rete In rechnung komen ist, fur denselben er mit redlicher kuntlicher rechnung verrechent vnd beweiset hat, Also das wir vnd vnser erben Im vnd seinen erben aller schulde bis auf diesen heutigen tag noch schuldig bleiben funfzehen schog drey vnd funfzig grosschen vnd drey pfenninge, doch ist die summa in seinem haubtbrieffe, den er vber Oderfsberg von vns hat, Item dreyhundert Reynisch gulden vnd XL schog den von dem Berge, hundert vnd funfzig schog hanfen Sparren, die der obgnant heyne pful noch von vnsern wegen aufgeben vnd bezalen sol, In diesen Rechenbrieff nicht gekommen oder geczogen. Hiebey vnd vber diese rechnunge sein gewesen Hans von Waldow, Ritter, her Johans Sommer, Techant vnd vnser oberster Schreiber, Heintz tandorffer, Marschalk, vnd vlrich czewschel, kuchmeister. Zu vrkunde mit vnserm aufgedrügten Infigel uersigelt vnd geben zu Spandow an der nehten mittwoch nach der heiligen dreyer koning tag, Anno domini etc. Tricesimo sexto.

Nach dem Copialbuche des Markgrafen Johann fol. 119.

XXI. Schuldschreibung des Markgrafen Johann über 700 Rh. Gulden an Heine Pful, vom 28. October 1436.

Wir Johans, von gots gnaden marggraue zu Brandenburg etc. — Bekennen öffentlichen mit diesem brieffe gein allermenniglich, das wir vnd vnser erben rechter vnd redlicher schult schuldig wurden sein vnd gelten sollen vnsern lieben getrewen heyne pfule vnd seinen erben Sibenhundert gute Rinische gulden, die er von vnsern wegen ludewigen von der Groben furder schuldig vnd sachweldige gein jm fur vns worden ist, dieselben Sibenhundert Rinisch gulden vnd selb schulde gereden vnd globen wir vnd vnser erben den gnanten heyne pfule vnd sein erben gein dem gnanten ludewigen van der Groben vnd seinen erben an allen seinen schaden, das anders redlicher vnd beweiszlicher schade hiez vnd were, gutlichen zu ledigen vnd zu benemen on geuerde. Zu urkunde mit vnserm anhangenden Infigel versigelt vnd Geben zu Spandow, an sant Simon vnd juden tage der heiligen zwelfboten, Anno domini M^o. CCCC^o. XXX sexto.

Nach dem Copialbuche des Markgrafen Johann, fol. 74.